

**Nagkinabuhi nga Dios-tawo pinaagi sa Pagkinabuhi diha sa Gingharian sa Dios  
nga Ginsakpan sa Diosnong Kaliwat**

Basahong Kasulatan: Mar. 1:15; Juan 3:3, 5-6; 1:12-13; 2 Ped. 1:4; 1 Juan 3:1

- I. Kay gipanganak na man ta sa Dios, kaliwat ta sa Dios; sa ato pa, mga Dios ta sa kinabuhi ug kinaiya apan dili sa ranggo sa pagka-Dios—Juan 3:3, 5-8.**
- II. Dunay diosnong katungod ang mga Dios-tawo nga ma-kaliwat sa Dios—vv. 3, 5-6; 18:36.**
- III. Isip mga magtutuo ni Cristo, nagkinabuhi ta nga Dios-tawo—Mar. 1:15; Juan 14:17b, 20; Rom. 8:9a, 10; Gal. 5:25:**
  - A. Diha ni Cristo naumol ang Dios nganha sa tawo, naumol ang tawo ngadto sa Dios, ug nasagol pag-usa ang Dios ug tawo aron mahimong usa ka persona, nga ginganlag Dios-tawo—Mat. 1:21, 23; Luc. 1:35; Tito 2:13; 1 Tim. 2:5.
  - B. Ang mga Dios-tawo, ang mga anak sa Dios, mao ang hulad ug sumpay ni Cristo, nga unang Dios-tawo—Juan 12:24; Heb. 2:10; Rom. 8:29.
  - C. Gipanganak na sa Dios ug nakaambit sa kinabuhi ug kinaiya sa Dios ang Dios-tawo, nausa sa Dios sa kinabuhi ug kinaiya Niya ug tungod niana nagpadayag Niya—Juan 1:12-13; 3:15; 2 Ped. 1:4; 1 Cor. 6:17.
  - D. Naumolan og Dios ang Dios-tawo, dunay Dios nga iyang kinabuhi, kinaiya, ug tanan; tawo apan Dios ug Dios apan tawo ang Dios-tawo—Efe. 3:16-17a.
  - E. Ang pagkinabuhi ni Cristo ingog tawo pagkinabuhi man sa tawo sa Dios aron mapadayag ang mga kaayo sa Dios diha sa tawhanong maayong mga kagawian, nga napuno, nasagolan, ug nasuropan sa diosnong mga kaayo—Luc. 1:26-35; 7:11-17; 10:25-37; 19:1-10.
  - F. Isip pagdaghan ug hulad sa unang Dios-tawo, magkinabuhi gyod ta sa mao rang kinabuhi nga Iyang gikinabuhi:
    1. Nagpahilunag sumbanan ang Dios-tawong pagkinabuhi sa Ginoong alang sa Dios-tawong pagkinabuhi nato—gilansang sa krus aron magkinabuhi sa Dios ug mapadayag ang Dios diha sa katawhan—Gal. 2:20.
    2. Wala magkinabuhi si Ginoong Jesus nga naningkamot nga mahimong espi-rituhanon, balaan, ug madaogon; nagkinabuhi Siya nga bug-os gyong sumala sa ug alang sa pamatigayon sa Dios sa Bag-ong Tugon.
    3. Makita nato sa upat ka Ebanghelyo si Jesus nga nagkinabuhi nga Dios-tawo, ug makita nato sa Mga Buhat nga nagkinabuhi sab ang mga tinun-an ni-anang kinabuhia.
    4. Nagkinabuhi si Cristo nga nag-antos, sa kinabuhing nag-antos; mga kauban ta Niya karon nga nagkinabuhi sa mao rang kinabuhi; kon mag-antos ta alang ni Cristo, isipon sa Dios ang atong mga pag-antos nga mga pag-antos ni Cristo—Heb. 3:14.
    5. Dumilian gyod nato ang atong kaugalingon, magpahiuyon sa kamatayon ni Cristo, ug padak-on Siya pinaagi sa madagayaong sangkap sa Iyang Espi-ritu—Mat. 16:24; Fil. 3:10; 1:19-21a.
    6. Ang Nagkinabuhi nga Dios-tawo mao karon ang Espiritung nagkinabuhi sa sulod nato ug pinaagi nato; isalikway gyod nato ang pag-ugmad-sa-kauga-lingon ug pagtukod sa natural nga tawo nato ug magpapuno ug magpaokupar

ra gyod ta Niya aron ikinabuhi nato Siya ug personal ug hiniusa nato Siyang ipadayag sa iglesia, nga mao ang Lawas Niya—Efe. 3:16-19; 1:22-23.

**IV. Isip mga magtutuo ni Cristo, nagkinabuhi ta sa gingharian sa Dios—Rom. 14:17:**

- A. Ang gingharian sa Dios mao ang Dios mismo—Mar. 1:15; Mat. 6:33.
- B. Ang gingharian sa Dios mao ang Dios diha ni Cristo nga kinatibuk-an sa diosnong kinabuhi ug sa tanang kalihokan niini—Juan 11:25; 10:10b; 14:6.
- C. Ang gingharian sa Dios mao ang ginsakpan sa diosnong kinabuhi aron molihok, mobuhat, mobuot, ug modumala kining kinabuhia aron matuman sa kinabuhi ang tuyo niini.
- D. Usa ka organismo ang gingharian sa Dios nga inumol sa kinabuhi sa Dios ingog ginsakpan sa kinabuhi aron makabuot Siya, diin maghari Siya pinaagi sa Iyang kinabuhi ug magpadayag sa Iyang Kaugalingon isip Diosnong Trinidad diha sa diosnong kinabuhi—15:1-8, 16, 26.
- E. Usa ka ginsakpan ang gingharian sa Dios, dili lang sa diosnong pagbulot-an kondili sa diosnong kaliwat sab, diin naa ang tanang diosnong butang—3:3, 5-6; 18:36:
  - 1. Sa Juan 3 labing nagpasabot ang gingharian sa Dios sa kaliwat sa Dios kaysa paghari sa Dios.
  - 2. Nahimong tawo ang Dios aron mosulod sa kaliwat sa tawo, ug nahimong Dios ang tawo sa kinabuhi ug kinaiya apan dili sa ranggo sa pagka-Dios aron mosulod sa ginsakpan sa diosnong kaliwat—1:1, 12-14; Rom. 8:3; 1:3-4.
  - 3. Aron makasulod sa ginsakpan sa diosnong kaliwat, ipanganak gyod ta sa Dios aron makabaton sa diosnong kinabuhi ug diosnong kinaiya—Juan 1:12-13; 3:3, 5-6, 15; 2 Ped. 1:4:
    - a. Gilalang sa Dios ang tawo dili segun sa matang sa tawo kondili sa Iyang dagway ug segun sa Iyang pagkasama aron ma-matang sa Dios, ma-kaliwat sa Dios—Gen. 1:26.
    - b. Ang mga magtutuo, nga gipanganak sa Dios pinaagi sa pag-anak pag-usab aron mahimong mga anak Niya diha sa Iyang kinabuhi ug kinaiya apan dili sa Iyang ranggo sa pagka-Dios, mas kamatang man sa Dios kaysa ni Adam—Juan 1:12-13:
      - 1) Duna ray panagway si Adam nga walay realidad sa sulod sa diosnong kinabuhi.
      - 2) Dunay realidad sa diosnong kinabuhi, kita nga mga magtutuo ni Cristo ug mga anak sa Dios, ug gitransporma ug gipasama ta sa dagway sa Ginoo diha sa tibuok natong pagkatawo—2 Cor. 3:18; Rom. 12:2; 8:29.
      - 3) Ang ikaduhang pagkahimugso nato, kun pag-anak pag-usab, magpasulod man nato sa gingharian sa Dios aron ma-kaliwat sa Dios—Juan 3:3, 5-6.
      - 4) Gipanganak na ta pag-usab aron ma-matang sa Dios; isip mga anak sa Dios, matang ta sa Dios, kaliwat sa Dios—Rom. 8:19; Heb. 2:10.
      - 5) Naa sa diosnong ginsakpan sa diosnong kaliwat ang tanang anak sa Dios—Juan 1:12-13; 3:3, 5.
      - 6) Mga Dios-tawo ang mga magtutuo diha sa diosnong kaliwat, sa ato pa, diha sa gingharian sa Dios—1 Juan 3:1a; Juan 3:5.
- F. Nagpuyo ta sa gingharian sa Dios nga ginsakpan sa diosnong kinabuhi pinaagi sa pagbati sa kinabuhi—Rom. 8:6.

- G. Sa iglesia, nagkinabuhi ta diha sa gingharian sa Dios karon; lig-ong pamatuod ang Roma 14:17 nga ang iglesiahonong kinabuhi karon mao ang gingharian.
  - H. Kon bansayon nato kanang bahina nato nga mao ang bag-ong kabuhatan—si Cristo mismo nga elemento sa gingharian sa Dios—nagkinabuhi ta diha sa gingharian sa Dios.
  - I. Makapanunod ang mga mananaog sa gingharian ni Cristo ug sa Dios aron makasulod sila ngadto sa pagpadayag sa gingharian sa mga langit—2 Tim. 4:18.
- V. Sa Ebanghelyo ni Juan makita nato ang daghang aspeto sa pagkinabuhi sa mga magtutuo diha sa ginsakpan sa diosnong kaliwat—1:16; 15:4a, 9, 11; 4:23-24; 14:2, 20, 23; 17:22-24:**
- A. “Nakadawat tang tanan sa Iyang kahupnganan, ug sa nagsapawsapaw nga grasya”—1:16.
  - B. “Ang tubig nga ihatag Nako niya mahimo hinuong tuboran sa tubig diha niya nga motubod ngadto sa kinabuhing walay kataposan”—4:14b.
  - C. “Ang mokaon Nako, mabuhi sab tungod Nako”—6:57b.
  - D. “Kon dunay moalagad Nako, pasunda siya Nako; ug asa ngani Ko, tua sab ang Akong sulugoon. Kon dunay moalagad Nako, pasidunggan siya sa Amahan”—12:26.
  - E. “Sa balay sa Akong Amahan naay daghang puluy-anan...moadto Ko aron mag-andam og dapit alang ninyo”—14:2.
  - F. “Niadtong adlaw masayod mo nga naa Ko sa Akong Amahan, ug nia mo Nako, ug naa Ko ninyo”—v. 20.
  - G. “Kon dunay nahigugma Nako, tumanon niya ang Akong pulong, ug mahigugma niya ang Akong Amahan, ug manganha Mi niya ug maghimog puluy-anan uban niya”—v. 23.
  - H. “Pabilin mo Nako ug Ako diha ninyo”—15:4a.
  - I. “Kon magpabilin mo Nako ug magpabilin ang Akong mga pulong diha ninyo, pangayo mog bisan unsa nga inyong gusto, ug buhaton kini alang ninyo”—v. 7.
  - J. “Maingon nga gihigugma Ko sa Amahan, gihigugma sab mo Nako; pabilin mo sa Akong gugma”—v. 9.
  - K. “Gisulti Nako ninyo kining mga butanga aron maanaa ninyo ang Akong kalipay ug nga mahingpit ang inyong kalipay”—v. 11.
  - L. “Gisulti Nako ninyo kining mga butanga aron makabaton mog kalinaw diha Nako”; “Thatag Nako ninyo ang Akong kalinaw”—16:33a; 14:27b.
  - M. “Balaang Amahan, ampingi sila diha sa Imong ngalan, nga gihatag Nimo Nako, aron mausa sila maingon nga usa Ta”—17:11b.
  - N. “Gihatag Nako nila ang himayang gihatag Nimo Nako, aron mausa sila, maingon nga usa Ta”—v. 22.
  - O. “Naa Ko nila, ug nia Ka Nako, aron hingpit silang mausa”—v. 23a.
  - P. “Amahan, kalabot sa mga gihatag Nimo Nako, nagtinguha Ko nga mag-uban sab sila Nako sa Akong nahimutangan, aron makita nila ang Akong himaya”—v. 24a.